

永嘉縣志

光緒八年修

永嘉縣志卷之十目錄

秩官志

名宦

蕭景齊 吳曾唐 仰仁謙宋 戚綸湯

霍蠡 宋紹恭湯 惠端方湯 莊壬補

葉紹補 王安貞 趙塔納 林泉生補

明 梁瑀 趙德謙補 李璫 潘慶

張志能 周紀 黎存信 卓越

文林 劉遜 諸葛駿補 林廷瓏

汪循補 黃師石補 周敘 彭占祺

永嘉縣志

卷之十

秩官名宦目錄

一

方升 白濬 周琬 李丕顯

朱潤 齊譽 周岱補 李思柱

程文著補 王之屏 伍士望補 程應元補

楊翬 劉三宅 徐浩補 陳其志補

沈一德 林應翔補 陸問禮補 張朝綱補

莊廷臣補 戴相

朝國 韓則愈補 王世顯 張熙補 郭永振補

馬琿 鄭廷俊補 蔡啟份補 王維新補

夏光遠補 張可大 邱兆熊 徐維綱補

黃友教補 黃元規補 周含萬續

留績 十六人
附二人

唐 韋庸

宋 楊蟠 劉士英 張洙錢觀復

元 夏若水 左答納失里

明 黃信中 郁山 黃釧 葉邦憲

朝國 王國泰 芮復傳 李琬 秦瀛

池建功 金衍宗 秦如虎

永嘉縣志

卷之十

秩官 留績 目錄

一一

永嘉縣志卷之十

秩官志二

名宦

自漢永和立縣至于今一千六百餘年宦遊斯土者母慮數千其名字可考者尙九百餘人其政績可書者才六十餘人蓋十不得一焉何其難也豈皆傳舍其官而秦越其民歟抑書缺簡脫文獻無徵雖有善政而未有以傳之歟夫名者實之寶也苟有其實何患不傳今畧採舊聞紀其崖畧後之官斯土者其尙思媲美前修也乎

永嘉縣志

卷之十

秩官 名宦

齊

蕭景字子昭梁高祖從父弟也才辨能斷齊建武中除晉安王國左常侍遷永_寧令政爲百城最永嘉太守范述曾居郡號稱廉平雅服景爲政乃榜郡門曰諸縣有疑滯者可就永_寧令決頃之以疾去官永嘉人胡仲宣等千人詣闕表請景爲郡不許還爲驃騎行參軍梁高祖踐阼封吳平縣侯仕至安西將軍郢州刺史普通四年卒諡曰忠

_{梁書}

_{本傳}

唐

吳曾永嘉令勤於吏事政平訟理嘗慕謝康樂風致構亭

曰懷謝

嘉靖志

宋

仰仁謙吳興人太平興國間以太子舍人知縣事時錢氏方納土仁謙始爲令廉慎愛民政治一新後卒於官子孫因家焉三世孫忻以八行舉

嘉靖志

戚綸字仲言應天楚邱人太平興國八年舉進士知永嘉縣境有陂塘之利浚治以備水旱復爲光祿丞轉運使又

上其政績連詔褒之

宋史本傳

霍蠡建炎三年知縣事廉介有才幹事雖蝟集處之裕如四年高宗臨幸禁衛省部咸在供億百出蠡調度得宜有

永嘉縣志

卷之十

秩官名宦

一一

事則直奏中官咸畏憚之嘗面陳本州沒官田宅多皇族勳戚告佃而不輸稅請鬻以供億詔從之用是車駕所臨供應雖繁而民不困當時皆稱其能

嘉靖浙江通志

宋紹恭字彥安開封人靖康後南徙會稽紹恭之知永嘉造葉適坐語常移日意所縱奪微辭抑揚論承平至渡江公卿行事本末其人賢不肖無一差忒而治縣約期會緩徵役早計預定陰化潛弭視新進後生乍出智慮聚沙畫壘欲以立名字造威福力相百功相十也吏民皆稱爲聰明允恕易事而難說謂後此更十五令無能繼者而其前亦鮮及也

葉適故朝奉大夫知峽州宋公墓誌銘

惠端方字敬之宜與人爲永嘉丞與民爾汝求事情實而
審實其便處不以妄與奪取快也士後出迭倡和相朋友
同蔬共醕無倦日然立於高遠不可浼近數年來稱州之
賢大夫僉曰惠丞交譽於大吏率氣力薄吏所易侮緣是
未改官人尤惜之丞不動意

葉水
心集

莊壬字子中惠安人嘉定進士尉永嘉鹽寇掠境憲司符
夜至壬不待白郡偕巡檢率寨兵俘盜數輩上謁郡守楊
簡怒其不先白欲處以軍法壬屹立不動通守以下爲請
曰尉能權以濟事可旌也何誅爲簡意解衆強壬拜謝竟
不拜拂衣去

南宋書
循吏傳

諸臺壯其節交薦之終海豐令

泉州
府志

永嘉縣志

卷之十

秩官 名宦

三 民國二十四年補刻

葉紹字繼甫青田人有古烈士風舉賢良方正初授迪功
郎掌永嘉教事居官二十五年士風丕變德祐間聘修國

史曰麻

雍正處
州志

元

王安貞大德七年任縣尹開敏有材善折獄吏卒不下鄉
民以不擾興學校建忠烈廟修陳孝子祠表仰孝廉墓治
行有聲

嘉靖
志

其戒民十事尤爲肫切

厲麻
府志

趙塔納一名良勝字敬叔金華人周恭肅王元儼之十世
孫也起家驛曹掾

嘉靖志
作譯曹

歷陞永嘉尹廉介有爲興學校

均賦役審訟獄咸盡其情永嘉計口賦鹽民以爲病大訥

建請令富商轉售之瑞安猾吏僞爲官書誣平民盜販民自殺者三人府下大訥訊之大訥徙之臨汀州城枕大江水暴岸善崩大訥列植巨木先以萁芒殺浪勢然後實土以石甃之岸凡數千尺得不壞築黃湖蓮花二埭溉田二萬餘頃除温台等處海運千戶

宋濂浦陽人
物記嘉靖志

林泉生字清源先世居莆田徙永福天麻庚午登進士第歷承務郎温州路永嘉縣尹永嘉號劇邑泉生理之若無事豪猾孟某賄上下肆毒隣里煽民訟因爲居間持吏短長不敢問必從其所向泉生曰姦人亂政不去終不能治正其罪竄逐之邑鹽賦配民最重往往破產泉生求變通

永嘉縣志

卷之十

秩官 名宦

四

民國二十四年補刻

之術取會集衝要地置局四處省其半官自鬻之有隱田二百餘畝不輸稅監守影射爲職田者泉生覈得之勒石爲記俾里胥遞耕以輸鹽賦之不足興水利築新河埭壩時啟閉以避旱澇調漳州推官官至翰林直學士奉議大夫

知制誥同修國史

吳海聞過齋
集林公行狀

明

梁瑀字禹玉鳳陽人洪武十一年知縣事修舉廢墜深知民隱邑承元弊民田多匿賦軍需且殷饋餉不給時自浙西海運以足之軍民交病旣而有令覈民田瑀乃履畝占數編號畫圖以正經界由是稅額有加饋餉亦裕而海運

乃罷兵民便之

嘉靖志

趙德謙分教永嘉樂易好善喜獎誘後進未嘗見疾聲遽

色

廣介
菴集

李璿字廷珪廣東化州人洪武二十七年知縣事洞燭吏

民情偽訟清役均雖當繁劇而甚暇裕歲歉富室閉糴下

令勸貸有方民皆樂從郡守趙彥夫善其法布之各縣闔

境賴之後坐累被收邑民妻得成等赴闕直其冤得復任

秩滿遷去

嘉靖志

潘慶江西上高人永樂二年由進士知永嘉存心愷悌修

前令李璿之政以艱去民咸思之

嘉靖志

永嘉縣志

卷之十

秩官 名宦

五

民國二十四年補刻

張志能萊陽人宣德間以人才薦除永嘉典史催科有法

民無逋負過於嫉惡為兵徒所中逮繫邑中老人羣赴闕

訟冤告者抵罪志能得復任

康熙志

周紀字功載

康熙志
作伯裁

吉水人正統初由教職以才學薦舉

擢知縣事廉能有聲擢監察御史終布政使司參議

嘉靖志

黎存信正統間永嘉丞耿介持正理不惑鬼神時俗多奉

淫祠乃立條禁毀諸不應祀者俗為之戢

康熙志

卓越福密人景泰間由進士知縣事自奉菲薄事上不阿

痛裁里甲冗費提舉市舶中貴徵求擾攘越以義折之民

賴以安

嘉靖志

文林字宗儒長洲人成化壬辰進士除知縣事廉聲大著

一統志 敏察剛果應變若轉丸擊豪右恤窮困興學校舉鄉

約毀淫祠疏通水利時田賦缺額以千計乃丈量漏落及

新漲塗地以足其數訟獄蝟興處分裕如旁邑訟不平者

多就質焉嘉靖志 有商人糴米倩人擔之從別道去商蹤跡

不能得訟於林林受其訟不為理命姑去未幾召倉官云

欲下倉視糧命各鄉里正集腳夫於倉是日林入令商立

於倉門腳夫過果獲其人遂服辜都穆譚纂 地產美梨有持獻

中官者中官令民納以充貢林曰梨於民何濟使歲為例

其何以堪俾悉伐其樹中官大怒會吏部以政績卓異召

永嘉縣志

卷之十

秩官名宦

六 民國二十四年補刻

當擢憲職適讒言至竟授南京太僕寺丞見聞錄 後為温州

知府人頌神明卒於官篋中無一溫物郡邑兩祀名宦獻徵錄

劉遜字時讓江西安福人成化庚子由進士知縣事廉介

守義無所顧忌遠鄉民稅逋負躬歷面諭之遂輸納恐後

究剖積獄邑無冤民以白鹿洞規頒學訓士建置諸祠廟

以彰前烈又鑄古今賢令名氏於縣治俾後人知所勸擢

監察御史有風節士民思之肖像立祠祀焉嘉靖府志

諸葛駿字文敏晉江人宏治王子舉人授永嘉訓導永嘉志作

教諭 教人以德行爲體舉業爲用朝夕程課鑄冶不懈以王

景山儒志編闕略失次手自校正遂成完書永嘉祠之名

宦泉州府志

林廷瓚號南峯廣東吳川人宏治十年由進士知縣事公

廉有才幹政績可述展拓學宮擢蘇州府同知士民懷其

遺愛祠於縣學西時論卓文劉林四公皆治行卓然而劉

為最嘉靖志 康熙志

汪循字進之休寧進士宏治十一年知縣事首崇儒術得

王景山儒志編以為真見天人性命之理校梓以傳之儒志

編序忠烈廟傾圮無存遷簡訟坊東偏乘淫瀆汰斥之餘而

加新之忠烈廟碑記先是文林守温三年其政過嚴然未嘗酷

永嘉縣志

卷之十

秩官名宦

七 民國二十四年補刻

罰以自殖也循以德化民縣門帖云剝民脂以徼聞譽我

不忍為勦民命以立功名天不可罔文守過之曰汪令實

謂我矣亦終不加詰責一時寬猛相資如此鳳東錄

黃師石閩人知縣事藉甚有聲和易而寬平純篤而警敏

不苛察以為知不矯激以為廉事上也恭而有禮撫下也

寬而有制勤以集事而衆務舉誠以感物而奸詐息暇日

則修庠序之事延接儒雅究論理道虛已聽受畧無難色

先後稱者如出一口廣介菴集送永嘉黃知縣復任詩序 按府縣志無黃師石當即宣德間之

黃斌宜列前 潘慶之次

周敘字子厚湖廣九溪衛人由進士初任大理評事諫武

宗南巡廷杖謫永嘉丞爲人亢直醇厚素位而行士高其
誼民懷其惠

嘉靖志

後官工部尚書

萬曆志

彭占祺字朝吉山東費縣人正德十二年由進士知縣事
性廉潔泣政有方事上官一從省約自具饗殮如寒士幼
子啼索果折絲瓜去皮啖之邑民稱彭青天

嘉靖志

方升字世猷婺源人嘉靖二年由進士知縣事節用愛民
以禮整俗吏胥有犯不少貸歲荒治盜甚嚴民賴_盜輯雅
持清操以直道事上官亦皆亮焉終湖廣參議

嘉靖志

白濬字子深廣西臨桂人嘉靖九年知縣事愷悌宜民操
守無玷以憂去

嘉靖志

永嘉縣志

卷之十

秩官 名宦

八

民國二十四年補刻

周琬字潤夫湖廣應城人

一作麻城

嘉靖十二年由進士知縣

事有俊才處繁劇立斷好賢禮士勤恤民痾天旱徒步露
禱大雨隨沛咸以爲精誠所感擢禮科給事中官至副都

御史

嘉靖志

李丕顯字憲文號貞菴福建長樂進士嘉靖十四年知縣
事愛民養士政績有聲己亥春淫霖苦農祈天而晴及秋
旱魃爲虐祈天而雨治水利築埭惠民不爲三年之計瞿
溪上下十數萬之田永有嘉賴後擢御史去

項喬甌東錄舊府志

朱潤字伯雨山東益都人以給事中謫丞樂清吏畏民懷
嘉靖二十年遷永嘉令材畧宏敏政尚寬平雖未嘗以廉

介示人而實一介不取去後人益信之遷嘉靖波府同知卒於官囊橐罄然士論咸痛惜焉

嘉靖志

齊譽字文實江西南昌人嘉靖二十九年以兵科都給事

中謫知永嘉究悉民瘼務省約以紓其困編派里遞班次

刊立木牌以便民律已嚴正遇士有禮威惠並著遠邇孚

化焉後陞按察司副使

屬麻府志

周岱字一石泰興人以進士起家知縣事首興學校會海

警方日夕籌武備而岱以長才莅之獄無滋豐寇不入境

大憲檄統衆援嘉湖先聲所至倭寇退還任境內息烽益

以教養爲事學籍舊有塗田爲風潮衝圯爲豪強兼并無

永嘉縣志

卷之十

秩官名宦

九

以裕諸生岱惻然曰此令職也乃以理論諸紳民同耆民

陳嵩陳獻壽等親勸而返之不足以新漲攔護者補得田

一百九十二畝有奇

趙廷松撥補學田記

李思柱字子勝武邑人嘉靖中知縣事治尙嚴峻狷介有

聲改調去行李蕭然

舊通志

程文著字景山婺源進士嘉靖間知縣事孳孳撫循問民

所疾苦煦育含茹而惟恐傷之逋負累積督徵有方胥吏

供辦諸冗費芟剔殆盡而身所率先若脩黌宮以作士禱

水旱以惠民時饋餉以給軍皆以誠意相孚庶幾古之循

吏

平山藏稿

王之屏字汝憲潁州人隆慶元年由進士知縣事嚴明正
大人不敢干以私吏胥有犯輒置之法愛民禮士以廉介
自勵秩滿凡醵金盡蠲之後官福建布政使萬麻志
伍士望字蠡湖南昌進士隆慶壬申來知縣事詢民瘼考
治原知里甲之爲民病慨然稽田平賦與民更始無何清
通鄉以瑞麥來獻一莖連穗者數十本衆以爲豐登之兆

半山
藏稿

程應元字巽峯婺源人隆慶五年由舉人任温州推官簡
靜有威嘗署邑事芟剔郡蠹奸儉罔容節約供需無煩里
甲絲粟覈漏田稽隱丁築潰塘諸所興革足垂永利每決

永嘉縣志

卷之十

秩官 名宦

十

獄輕重惟允民自懾服遷臨江府同知

萬麻府志
半山藏稿

楊翬字南池江西清江人萬麻二年任永嘉教諭志行醇
潔澹泊自持分俸以給貧生部院交獎學者稱爲楊夫子
尤邃名理之學所著有四書講義詩律舉隅周禮訂註等

書俱行於世擢澧州學正

萬麻府志
半山藏稿

劉三宅字可任山東壽光人萬麻三年由進士知縣事倅
儻有識幹遇事立斷邑多積逋督徵有方而賦以集萬麻府志
養士惠民戢奸旌淑興利剔蠹邑之人咸悅而安焉擢吏

科給事中

半山
藏稿

徐浩字養盛涇縣人隆慶中國子生爲永嘉丞以文學飾

吏治每歲邑有清軍例錢數百金一無所取又欲大課士以廣科第前此未有也

涇縣志 甌海軼聞

陳其志字景湖萬_麻初知縣事愷悌凝重能持大體修黷

序均徭賦簡獄訟嚴保甲懲豪猾士民安其教焉

平山藏稿

沈一德嘉善人萬_麻癸酉舉人癸巳以崇明知縣改永嘉

教諭誠慤端飭作士有方性澹泊於聲利無所嗜齋居寒

素恬如也邑際里選不以一二千令君其介如此遷漳州

府教授

萬麻府志

林應翔同安人萬_麻進士知縣事時屢患瘟疫思所以禳

之乃擇海壇山麓地建五靈廟為民驅疫祈福捐俸為倡

永嘉縣志

卷之十

秩官 名宦

十一

又扞塗田若干畝備春秋二祀至今咸頌其德

孫同元永嘉聞見錄

陸問禮字仲謀號衷虛常熟人前温州知府潤曾孫萬_麻

三十二年進士知縣事勤政慎罰寬徭緩賦課士有程字

氓有惠御胥吏有威酬接士大夫有度禁溺女座齒骼殄

羣不逞有恩有法歷五載以懋績擢車駕郎民念之不去

口

周應期衷虛陸公生祠記

張朝綱字思勛同安人丙辰進士由麗水調永嘉有以白

金假海鮮獻者召郤之適富人子殺人善事郡守諸縣長

承守旨久不問朝綱治如法卒見忤歸

泉州府志

莊廷臣字龍祥號凝宇武進人萬_麻庚戌進士知縣事先

是里中羣不逞聚黨刦良家子有艾姿者爲不肖廷臣初下車廉得立擒其豪數人斃之杖下羣奸懾伏愛民潔己素孚於民卓異天下清廉第一擢禮部主事仕至湖廣左布政年八十五卒邑故有生祠 國朝乾隆十二年禮部題准崇祀永嘉名宦卽以生祠爲專祠 武進陽湖合志莊鼎鉉方伯公年譜 戴相晉江人萬厯王子舉人天啟壬戌進士知縣事怙無華安靜不擾有古循吏風後歷官御史 康熙志 國朝

韓則愈字秋巖鄢陵人順治十六年以恩貢來知縣事時郡勑設督府主客兵四集則愈智環四應終不令譁於伍

永嘉縣志

卷之十

秩官名宦

十一

一夕督府誅求亟則愈以郡方罹兵燹恣長吏敲扑不可督府遽改容謝爲拜三灾疏請蠲則愈力也 李菊菴從政錄

王世顯字亦世號仙潛湖北漢陽人戊戌進士康熙元年知縣事甫三月肅清吏弊軫恤民隱編審保甲均平無私時嚴海禁鹽場俱遷棄界外民苦淡食世顯請內地煎燒鹽商百計撓之不爲動釋三大冤獄邑有虎攫人世顯爲文告於城隍神翌日虎死後因奸商鬻私捕得欲置之法卒爲所中罷任去 漢陽續志舊浙江通志 百姓奔走哀號後卒於杭

州 曝書亭集

張熙仁和人康熙初訓導詞壇名宿就學舍談經盡春風

霽月之致衙齋設影堂奉其先必告必面督學胡公獎爲
純孝醇儒三年奉裁去多士思之

康熙府志

郭永振河南人貢生康熙十年任慈惠廉靜息訟宜民以
老乞休因累舊餉羈甌不能自給士民饋薪米者踵至爲
釀金以輸其逋額焉

康熙志

馬琬字奉璋陝西武功人順治甲午舉人

康熙志作副榜拔貢今從宋肇

雙忠祠碑更正

授山東昌樂知縣有惠政康熙十三年補永嘉明

決有才清覈圖籍不數月而化大行十三年逆藩耿精忠
叛浙東大震温州首被圍温處道僉事陳公丹赤與琬謀
曰温界閩越無温是無浙也吾儕讀書誓以死守不濟義

永嘉縣志

卷之十

秩官名宦

十三

不苟生約定登陴帥士民守禦而總兵祖宏勳通賊謀以
兵脅丹赤於是陳甲伏於大觀亭集文武議兵皆露刃夾
階立宏勳遽曰無兵無食何以守丹赤曰提標前鋒已集
五千何謂無兵糧餉可給半年何謂無食宏勳語塞揮刀
殺丹赤琬躍而起曰國家豢若輩反黨賊殺封疆大吏吾
恥與若俱生罵不絕口遂同遇害事聞贈布政司參政廕
一子入監子逸姿由廕生歷任江蘇參議督糧吳會四十
二年 聖祖南巡上疏曰 臣父琬原任永嘉知縣康
熙十三年值逆藩耿精忠之變與温處道陳丹赤恪守臣
節同時殉難荷蒙 皇恩矜恤屢下 温綸從優議

敘贈^臣 父浙江布政司參政廕一子入監并 賜葬祭

三十六年請於温州建雙忠祠復荷 俞允先是三十

十五年丹赤蒙 特恩賜諡三十八年 皇上南幸

浙江丹赤子湖州知府一夔恭迎 聖駕復荷軫念

御書扁額懸之忠祠榮被萬世^臣 父瑯殉難與丹赤同時

賜祠又復同祀仰懇 皇上破格一體 賜諡

賜額昭垂萬世於是 制曰可 賜諡忠勤

御書旌勞葵忱四字額揭祠首實異數也^{陽志}

鄭廷俊字公弼三韓正黃旗人康熙十四年任時偽帥盤

踞甌城隨師進剿供辦芻糗著績行間十五年冬甌平下

永嘉縣志

卷之十

秩官名宦

十四

車撫字招集流亡休息凋疲請蠲舊賦民賴以甦十七年

候調仍復原任葺學宮講鄉約修縣志創立義塾以教孤

寒政尚寬平遠鄉積逋躬歷勸諭無不輸將恐後士民愛

戴焉^{康熙志}

蔡啟份字均卿德清人順治甲午拔貢康熙十五年訓導

器宇端凝而接物和藹若坐春風崇祀典舉廢墜建儀門

督修文廟創朱文公祠孜孜以誘掖後進爲任^{康熙志}

王維新宣平人歲貢生康熙中教諭敦樸淵冲自處儉約

莅任輒修葺學宮逐兵勇嚴啟閉日惟講藝課士引迪不

倦人稱蘇湖模範擢隆德知縣^{康熙志}

夏光遠字用賓歸安人康熙庚寅歲貢永嘉訓導湖州府志性

嗜學耄年手不釋卷接諸生以至誠盎然如坐春風中以

子開衡貴封翰林院編修致仕去府志

張可大海豐進士康熙六十一年知縣事爲人儒雅以作

興文教爲己任月課諸生手加評隲捐廉獎給以示鼓勵

或招飲署中賦詩唱和預者榮之士氣倍奮永嘉素號劇

邑簿書盈几案可大雖酷耽書史不廢民事聽訟則致忠

慎催科則寓撫字清不戾俗介不迂衆無何以誥誤罷送

者塞路門下士餞於孤嶼各賦詩洒淚而別府志

邱兆熊宜黃人丙辰進士授永嘉知縣材幹強敏釐剔奸

永嘉縣志

卷之十

秩官名宦

十五

弊不矯情以勵節不徇俗以要譽善聽訟卽隱情委曲者

無不洞徹剖判盡情學宮將圯請帑捐廉爲士民倡逾年

落成規制巍煥所費不貲而籌畫裕如陞昆明州知州士

民建祠於明倫堂左府志

徐維綱字三立奉新人乾隆進士知縣事俗尙鬼巫妄言

禍福維綱使人重傷巫巫訴之庭曰無害也神必福汝已

而巫死集邑民諭之曰神不庇巫神無知也祀之何爲燬

其廟逐衆巫聞者稱快歲饑不俟報開倉賑恤永人德之

卽所燬巫廟祀焉南昌府志

黃友教字雨堂湖南善化人乾隆丙午舉人嘉慶十年署

縣事甌去省會遠憫寒士不能赴秋試倡捐文成會以飲給之受惠者衆祀於鄉之漈溪紀其事於石

陽志

黃元規字希齋福建平和人乾隆己酉舉人嘉慶十四年署縣事善折獄有枉必伸人稱神明邑人不忘功德祀之

漈溪

陽志

周含萬字荔腴湖南寧鄉人癸未進士道光十六年八月知縣事清廉勤政禮士惠民始至大理積案獄囚幾空勤於課士以膏火微薄常捐廉獎給焉其高材生復召至署中錫宴以寵異之士氣大振軍士口糧向歸縣署給發多襍以糠粃含萬必親監視吏役無所售其姦時奉 旨

永嘉縣志

卷之十

秩官名宦

十六

禁鴉片煙含萬勸諭百端約以三月爲限民多遵約自新者城內外河水淤塞親督民夫疏濬舟行無阻試院門外增建廊房爲士子臨場憩息之所鄉試旅費舊有文成會含萬少之復置千緡以佐焉竟以誥誤罷十八年正月賦留別詩六章士紳屬和者百餘人有東嘉送行詩一册傳

於世

採訪册

留績

文武大僚州郡守倅非一邑之官也而其德教或被於
吾邑則志不得而畧焉於是異其名曰留績蓋但紀其
功在斯邑者耳若其馳驅四方謳歌域外者則有通志
府志在矣

唐

韋庸會昌中温州刺史州西北水為患庸築隄堰鑿湖十
里溉田郡人德之稱其湖曰會昌隄曰韋公

明一統志府志

宋

楊蟠字公濟章安人紹聖二年知温州視民如子定城中

永嘉縣志

卷之十

秩官 留績

十七

三十六坊在任二年民愛若父母每風日妍麗老稚必問
曰太守出游否其得民如此著有後永嘉百咏

萬曆府志

劉士英武康人為州學教授方臘陷處州州人爭具舟欲
遁士英獨與郡茂才石礪治兵峙糧籍保伍分其地為八
隅以鐘為約令民間鐘聲則趨所守堞未幾賊來攻拒守
四十餘日官軍至賊潰去靖康初通判太原金人入城死
之

南宋書

時有張洙任府學添設教授代錢觀復仍與觀復

士英協力守城有功時號宣和三教授俱廟食

萬曆府志石礪傳

元

夏若水至元間温州路總管初至郡值歲歉廣招米艘民

賴以濟創永嘉書院

府志

左答納失里高昌人至正十年總管方國珍寇城官民逃散獨與千戶吳世顯黑的兒等擊却之賊退急治城郭繕

甲兵爲守禦計比賊再至不敢近城

屬麻府志

明

黃信中餘干人永樂中知温州廉介自守在郡多異政永嘉有因盜殺一家三人者詞連疑似獄經年不具信中齋沐爲文控城隍遂鞫得王姓者冥殺狀論抵

府志

郁山字子靜華亭人嘉靖十年知温州府張少師孚敬於郡城建寶綸樓因大治第宅小民供役日以千計富者率

永嘉縣志

卷之十

秩官 畱績

十八

編使督工勞苦倦極山委曲斟酌歸於節省民稍稍安張又求廣基地強市買不已山止之曰公今匝垣里餘而意猶未足殆非所以善後張怒作色山不顧而出地亦迄不

再廣

鳳徵錄

黃釧字珍夫安溪人由舉人歷官温州同知嘉靖三十四年倭入犯釧擊走之知倭必再來日夜爲備又三年倭果大至釧出城逆擊分軍爲三釧將中軍其二軍帥皆紈袴子約左右應援一軍疊石一軍鐵腸及與倭遇倭遣衆分掩二軍而以銳卒當中軍釧發勁弩巨礮戰良久倭方不支二軍帥望敵而潰倭合兵擊釧釧腹背受敵遂被執脅

之降不屈責以金贖釧笑且罵曰爾不知黃大夫不愛錢耶倭怒裸而寸斬之子購屍不獲具衣冠葬事聞贈浙江參議官一子有司建祠

明史忠義傳舊府志

楊邦憲巴陵人萬曆三年以南御史知温州甲戌水溢築江埭以捍後患乙亥饑發粟徧賑巽山故有塔爲文筆峯後廢丙子捐資倡建是秋果雋一魁以憂去郡建生祠於巽山麓肖像祀之

府志

國朝

王國泰遼東人康熙十四年知温州郡城大火國泰默禱於神風返火熄建赤帝廟於海壇山麓

府志

永嘉縣志

卷之十

秩官 畱績

十九

芮復傳字宗一號衣亭寶坻人雍正初知温州升巡道創立中山書院修復東山書院以教育士子既去甌人士於孤嶼浩然樓側立祠肖像祀焉

新纂

秦瀛字小峴號邃菴江蘇無錫舉人 欽賜內閣中書

歷遷郎中授溫處道居官廉惠好獎掖後進集諸生課文藝所拔皆雋才邑故設莊長督催錢糧役富民爲之充是役者輒爲吏胥魚肉率破家瀛廉得其弊擬革未果旋攝臬篆會生員呂從龍等展轉愬有司連不得直獨瀛力持之偕方伯謝公啟昆言之撫院得請勒碑申禁卒除之邑人感其德尸祝於先農祠側並立石肖像孤嶼後官刑部

右侍郎乞歸年七十有九

國朝先正
事畧採訪冊

池建功字立三黃巖人由世襲雲騎尉洊陞副將署温州
總兵咸豐三年温遭水災四年春夏閒民多飢死僉議設
局施粥建功首出百金諭所屬將校勉力襄助由是守令
紳士無不樂輸者歷兩月餘全活甚衆士民立碑頌焉後

歷署福建提督卒

國隱
蜀言

金衍宗號岱峯秀水人庚申舉人任臨安教諭道光三十
年擢温州教授崇尚漢學博通今古嘗謂孺悲傳士喪禮
功在羣經當從祀廟廷未可以辭疾一端揮之門牆之外
創論實確論也其在臨安時倡議祀字祖

黃帝史官
倉頡沮誦 經師

永嘉縣志

卷之十

秩官 畱績

二十一

漢河間獻王劉德等二十
一人皆未從祀兩廡者

於學以示報本勸學之意及來

温適新修郡學落成輒申前議設神龕於尊經閣春秋二
仲致祭一如臨安咸豐三年水災民乏食衍宗倡議施粥
自煮赴局以賑之又勸諭紳富捐儲倉穀擇郡庠明倫堂
西偏隙地勸建義倉捐存穀一千餘石嗣後陸續積至萬
餘石皆其倡始之功也著有茗隱芻言甌隱芻言尊經閣
祀典錄咸豐八年引疾歸郡人尸祝焉卒年八十餘

採訪
冊

秦如虎號嘯山前陝安鎮總兵咸豐十一年閩督調赴温
州剿金錢會匪同治元年四月粵賊犯温州如虎率師至
郡城相持月餘大小數十戰卒破賊降之陞授浙江提督

詳見
兵事

李琬字暉東號蓮塘山東壽光人郡有東山書院逼近山麓易受溼蒸乃謀更諸爽塏卜吉於郡署東之中山創建中山書院規制宏敞置膏火田延師課士振興文教士林至今頌之整理育嬰堂增置塗田若干均有碑記又置珠浦嶺義冢一區定掩埋章程設土夫給以工食歲掩暴露以千計建鹽義倉永惠橋又於府署築中山亭西射堂皆有記莅任有年凡有益於士民者政無不舉後升任溫處道大修府學文廟其實事求是類如此

見府志應依目錄
在芮復傳之次

封爵

漢

東甌王騶搖

史記東越列傳越東海王搖越王句踐之後姓騶氏秦已并天下與閩越王無諸皆

廢為君長以其地為閩中郡及諸侯叛秦無諸率越歸鄱陽令吳芮從諸侯滅秦是時項籍主命弗王以故不附楚漢擊項籍無諸搖率越人佐漢五年復立無諸為閩越王搖功多其民便附乃立搖越功曰閩王搖功多其民便附乃立搖為東海王都東甌世俗號為東甌王

吳

永寧侯孫綝

見三國志吳書

晉

永寧伯周馥

晉書本傳字祖宣汝南安成人代劉準為鎮東將軍討陳敏滅之以功封按通志晉

永嘉縣志

卷之十

秩官封爵

二十二

永寧今永嘉縣

宋

永嘉王劉子仁

南史本傳字孝武第九子大明五年封

齊

永嘉郡王蕭昭粲

南齊書桂陽王昭粲傳太子第四子鬱林立以皇弟封

梁

永寧縣公王僧辯

梁書本傳字君才太原祁人討破侯景遁封長寧縣公世祖即位以功進

授鎮衛將軍司徒改封

永嘉王蕭莊

元帝孫方等子以父征河東王軍敗溺死受封見南史忠烈世子方等傳

陳

永嘉王陳彥

南史本傳字承懿後主第三子至德元年封

永嘉縣侯錢道戡

南史本傳吳興長城人隋文帝平張彪於會稽以功封

唐

永嘉郡王李儵

濟王環子天寶末封見舊唐書濟王環傳

永嘉郡王李暉

唐書宗室世系表江王房

五代吳越

永嘉侯錢傳璲

武肅王子見干國春秋元弼傳

宋

贈永嘉郡王趙允迪

東都事略周王元儼子

贈永嘉郡王趙士程

宋史宗室世系表商王房

永嘉縣志

卷之十

秩官封爵

二十三

永嘉郡王趙克端

宋史宗室世系表鄆國公房

永嘉郡王向宗良

東都事略字景弼以後恩累擢秀州刺史徽宗即位封

永嘉郡公薛良朋

字秀益瑞安人敷文閣直學士見陳傅良薛公壙誌

永嘉縣男許及之

由禮部侍郎封見陳止齋集

永嘉縣男張叔椿

由諫議大夫封見陳止齋集

永嘉縣男張季樗

叔椿弟由中散大夫封見葉適張公墓誌

永嘉縣男陳傅良

字君舉瑞安人由朝議大夫封見樓鑰陳公神道碑

永嘉郡侯趙立夫

見黃淮范一齋處士墓誌按立夫字德成樂清人寶謨閣直學士

永嘉伯陳峴

平陽人見真德秀陳公墓誌

永嘉開國男戴桷

溪子朝請大夫見孫詒讓温州經籍志

永嘉縣開國男陳昉

峴子見宋宰輔編年錄序

永嘉郡王趙楫

太祖十一年封見顧錫疇綱目

元

追封永嘉郡公陳景彥

輦真吃刺思曾祖

追封永嘉郡公陳永春

輦真吃刺思祖

追封溫國公陳自中

輦真吃刺思父俱永嘉人延祐二年封見劉賡陳氏世德碑

追封永嘉郡伯周汝臨

平陽人嗣德曾祖

贈永嘉郡侯周雷轟

嗣德祖並見蘇伯衡周公墓誌

追封永嘉縣男王由

虞集王知州墓誌字在之振鵬父由奉訓大夫瑞安州知州飛騎尉

追封

永嘉縣志

卷之十

秩官封爵

二十四

明

東甌王朱當泚

明史諸王世表魯王後四世成化二十二年封

永嘉郡公劉廷槐

青田人基祖

永嘉郡公劉燾

基父俱洪武三年封見蘇伯衡參政劉公墓誌

永嘉侯朱亮祖

六安人官浙江行省參政副李文忠守杭州帥師討方國珍攻台州下仙居諸

縣進兵温州方明善拒戰擊敗之洪武三年封見明史本傳

追封東甌王湯和

明史本傳字鼎臣濠人積功為左御史大夫拜征南將軍討方國珍浙東

悉定由海道抵福州執陳友定北伐西征皆有功浙中
山侯十一年進封信國公既而倭寇上海和度浙西
東並海設衛所城五十九有九踰年城成明
年閩中城工竣和卒年七十追封東甌王

永嘉縣志卷之十

